



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-444  
fax. +387 33 726-423  
e – mail: [info@voda.ba](mailto:info@voda.ba)

**Broj: UP-1/21-1-40-566-4/24**

**Datum: 12.12.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica, Rudnik mrkog uglja «Zenica» d.o.o. Zenica za donošenje rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku zatvaranja pogona za eksploataciju mrkog uglja «Raspotočje» u naselju Raspotočje, grad Zenica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o prethodnoj vodnoj saglasnosti**

1. Pravnom licu, Rudnik mrkog uglja «Zenica» d.o.o. Zenica daje se prethodna vodna saglasnost za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku zatvaranja pogona za eksploataciju mrkog uglja «Raspotočje» u naselju Raspotočje, grad Zenica a u postupku pribavljanja urbanističke saglasnosti.
2. Prethodna vodna saglasnost daje se na osnovu pregleda dostavljene dokumentacije i pod sljedećim uslovima:
  - 2.1. Da je planirana aktivnost zatvaranja pogona/jame za eksploataciju mrkog uglja «Raspotočje» u naselju Raspotočje, grad Zenica usklađena sa važećom prostorno-planskom dokumentacijom i razvojnim planovima grada Zenica.
  - 2.2. Da se u okviru projektnog rješenja zatvaranje pogona/jame «Raspotočje» primjene tehničko-tehnološke mjere kojima će se spriječiti kontaminacija voda, tla i zraka. Zatvaranje postojećeg pogona/jame «Raspotočje» mora biti u skladu sa zakonskim propisima i standardima EU te sa propisima i zakonima FBiH.
  - 2.3. Da se na osnovu provedenih istražnih radova, rekognosciranja terena, provedenog monitoringa voda, utvrđenog stanja izgrađenih infrastrukturnih objekata i utvrđenog uticaja zatvaranja pogona/jame za eksploataciju mrkog uglja «Raspotočje» na okoliš, površinske i podzemne vode izradi investiciono tehnička dokumentacija za pribavljanje vodne saglasnosti za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog kvaliteta u postupku zatvaranja pogona/jame «Raspotočje».
  - 2.4. Investiciono-tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) koja su bitna za konkretan slučaj, a naročito:
    - Tehničko rješenje sistema za prikupljanje, odvodnju i tretman tehnoloških/jamskih voda i oborinskih onečišćenih voda sa svih radnih i manipulativnih površina pogona u toku i nakon zatvaranja jame sa definisanim načinom ispusta prečišćenih voda u recipijent;
    - Dati osnovne podatke o recipijentu, sa detaljem ispusta prečišćenih voda u isti. Lokalizet ispusta prečišćenih voda mora biti naznačen na situaciji adekvatne razmjere, kao i mjesta vršenja monitoringa prečišćenih voda (okna za uzimanje uzoraka);
    - Obraditi tehničko-tehnološko rješenje načina prihvata i skladištenja eventualno prosute nafte i naftnih derivata kao i opasnih materija i otpada sa svim potrebnim proračunima, tehničkim opisom i grafičkim priložima;
    - Prijedlog programa monitoringa površinskih i podzemnih voda u toku i nakon zatvaranja jame sa grafičkim prikazom monitoring mjesta, brojem uzorkovanja, parametrima



kvaliteta i njihovim graničnim vrijednostima emisije (MDK) i dr., a sve u cilju praćenja uticaja aktivnosti zatvaranja jame na stanje voda a posebno na rijeku Bosnu i Zvečajski (Rudnički) potok te postojeća i planirana izvorišta vode za piće ukoliko se ista nalaze na predmetnom području;

- Sagledati sve moguće neželjene uticaje planiranih radova na zatvaranju jame na režim površinskih i podzemnih voda, postojeću infrastrukturu, druge objekte i postrojenja, stečena prava korisnika, naselja i slično, te dati prijedlog mjera za sprečavanje tih uticaja.
- 2.5. Projektnom dokumentacijom obuhvatiti i u odgovarajućem mjerilu situativno prikazati cjelokupan lokalitet pogona/jame «Raspotočje» te definisati tačan položaj/lokaciju pogona u odnosu na otvorene vodotoke, izvorišta vode za piće, naselja, a sve u cilju utvrđivanja trenutnog stanja voda i odabira načina prikupljanja i tretmana procjednih/jamskih i ostalih otpadnih voda prije ispuštanja u recipijent.
  - 2.6. Projektnom dokumentacijom sagledati sve moguće neželjene uticaje planiranih aktivnosti na zatvaranju pogona/jame «Raspotočje» na režim površinskih i podzemnih voda, postojeću infrastrukturu, druge objekte i postrojenja, stečena prava korisnika, naselja i slično i dati prijedlog mjera za uklanjanje odnosno ublažavanje tih utjecaja.
  - 2.7. Projektnom dokumentacijom definisati aktivnosti koje se budu sprovodile tokom demontiranja i izvlačenja opreme iz jame kao i postupak pripreme jamskih prostorija za zatvaranje.
  - 2.8. Projektnom dokumentacijom otkloniti mogućnost privremenog ili trajnog odlaganja jalovine i viška materijala kao i opasnog otpada uz vodotoke, u području izvorišta vode za piće i sl.
  - 2.9. Projektnom dokumentacijom definisati da se jalovina, višak materijala, opasni materijal i otpad nastao u toku izvođenja radova na zatvaranju jame ne smije ni privremeno odlagati na česticu «vodno dobro», odnosno u vodotok i na njegove obale.
  - 2.10. Pri izradi tehničke dokumentacije pridržavati se zakonske regulative vezane za ovakvu vrstu aktivnosti, ekološko-ekonomskih zahtjeva te pravila struke i nauke.
  - 2.11. Investiciono tehnička dokumentacija mora biti urađena u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima, Pravilnikom o sadržaju, obliku, uslovima, načinu izdavanja i čuvanja vodnih akata, («Službene novine Federacije BiH» broj 31/15, 55/19, 41/20 i 63/22).
  4. Po izradi i reviziji investiciono-tehničke dokumentacije u skladu sa uslovima iz tačke 2. dispozitiva ovog Rješenja, a prije pribavljanja odobrenja za građenje, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
  5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:
    - 5.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
    - 5.2. Rješenje o urbanističkoj saglasnosti za zatvaranje pogona
    - 5.3. Dokaz o izvršenoj uplati upravne takse u iznosu od 60 KM.
  6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
  7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
  8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.



## Obrazloženje

Od strane pravnog lica, Rudnik mrkog uglja «Zenica» d.o.o. Zenica dana 07.11.2024. godine podnesen je ovaj Agenciji zahtjev za donošenje rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku zatvaranja pogona za eksploataciju mrkog uglja «Raspotočje» u naselju Raspotočje, grad Zenica a u postupku pribavljanja urbanističke saglasnosti za zatvaranje predmetnog pogona/jame.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-24-001065 izdatog dana 04.04.2024. godine od strane Općinskog suda u Zenici,
- Kopija Uvjerenja o registraciji poreznog obveznika izdatog dana 14.10.2020. godine od strane Porezne uprave Federacije BiH – Kantonalni porezni ured Zenica,
- Kopija Uvjerenja o registraciji/upisu u Jedinствeni registar obveznika indirektnih poreza broj: 04/1-17-1-UPJR/1-6209-2/20 izdatog dana 09.12.2020. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj dozvoli broj: UP-1/21-3-40-532-5/23 izdatog dana 06.05.2024. godine od strane «Agencije za vodno područje rijeke Save» Sarajevo,
- Kopija Odluke o davanju prethodne saglasnosti na prijedlog Odluke o privremenoj obustavi rudarskih radova u pogonu «Raspotočje» broj: NO-11211/24-27.V./1. donesena dana 02.04.2024. godine od strane Nadzornog odbora JP Elektroprivreda BiH d.d. Sarajevo,
- Kopija Odluke broj: SD-110/2-4408/24 o privremenoj obustavi rudarskih radova u pogonu «Raspotočje» donesene dana 03.04.2024. godine od strane Skupštine društva RMU «Zenica» d.o.o. Zenica,
- Kopija Odluke broj: 4485/24 o privremenom prekidu rada u pogonu «Raspotočje» donesene dana 03.04.2024. godine od strane Direktora Društva Mensura Hukića,
- Kopija katastarskog plana za parcelu označenu kao k.č. broj: 298/1 i 351/1 K.O. Raspotočje, grad Zenica izdatog dana 04.09.2024. godine od strane Službe za imovinsko-pravne, geodetske poslove i katastar nekretnina Grad Zenica,
- Kopija Identifikacije parcela broj: 04-26-10-13551/24 izdato dana 04.09.0+2024. godine od strane Službe za imovinsko-pravne, geodetske poslove i katastar nekretnina Grad Zenica,
- Kopije Zemljišno knjižnog izvatka broj: 043-0-NAR-24-018 171 ZK broj: 270; broj: 043-0-NAR-24-018 172 ZK broj: 1186; broj: 043-0-NAR-24-018 173 ZK broj: 507; broj: 043-0-NAR-24-018 174 ZK broj: 179; broj: 043-0-NAR-24-018 176 ZK broj: 1214; broj: 043-0-NAR-24-018 178 ZK broj: 776; broj: 043-0-NAR-24-018 177 ZK broj: 429; broj: 043-0-NAR-24-018 179 ZK broj: 1351; broj: 043-0-NAR-24-018 180 ZK broj: 428; broj: 043-0-NAR-24-018 181 ZK broj: 1266; broj: 043-0-NAR-24-018 183 ZK broj: 484 izdatih dana 09.09.2024. godine od strane Zemljišnoknjižnog ureda Općinski sud u Zenici,
- Dopunski rudarski projekat izvlačenja MHP tip BW 22/41 POZ sa pratećom opremom iz otkopnog polja OP-5, VIII-E tektonske terase zapadnog dijela jame «Raspotočje» vani i zatvaranja jame «Raspotočje» RMU «Zenica» d.o.o. Zenica (rudarsko-mašinski dio) urađen od strane RMU «Zenica» d.o.o. Zenica (broj: 03/24, august 2024. godine) revidovan od strane RMU «ABID LOLIĆ» d.o.o. Travnik, Bila – na uvid,
- Studija za izdavanje prethodne vodne saglasnosti za aktivnost zatvaranja pogona «Raspotočje» Rudnika mrkog uglja «Zenica» d.o.o. Zenica u Zenici urađena od strane Rudarskog instituta d.d. Tuzla, oktobar 2024. godine,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 27.11.2024. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 30.11. i 01.12.2024. godine u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva. U datom roku nije bilo pisanih izjašnjenja o predloženim aktivnostima iz zahtjeva.



Na osnovu uvida u dostavljenu dokumentaciju utvrđeno je:

- Eksploataciono polje «Raspotočje-Drivuša» nalazi se je na lijevoj obali rijeke Bosne u naselju Raspotočje, grad Zenica (na zemljištu označenom kao k.č. broj: 298/1 i 351/1 K.O. Raspotočje) i zauzima površinu od oko 2400 ha. Jama «Raspotočje» otvorena 1951. godine pomoću dva paralelna niskopa sa kote 324 m. Niskopom se došlo 1954. godine u glavni ugljeni sloj VI-e tektonske terase jame «Raspotočje». Daljim jamskim radom na otvaranju i istraživanju išlo se po pružanju sloja pravcem istok-zapad u dužini oko 2.000 m i po padu sloja do dna VII-e tektonske terase (kota -80 m) na dubini oko 414 m. Eksploatacija glavnog ugljenog sloja počela je 1966. godine u VI-oj tektonskoj terasi zapadnog dijela jame uz primjenu širokočelne metode otkopavanja krovne ploče glavnog ugljenog sloja. U periodu od 1966. do početka 2024. godine u jami «Raspotočje» se vršila kontinuirana podzemna eksploatacija uglja različite granulacije različitim otkopnim metodama.
- Po zahtjevu Rudnika mrkog uglja «ZENICA» d.o.o. Zenica podnesenog u Agenciju dana 24.11.2023. godine, za predmetni pogon doneseno je Rješenje o vodnoj dozvoli broj: UP-1/21-3-40-532-5/23 dana 06.05.2024. godine na osnovu dostavljenog Dinamičkog plana i Glavnog projekta za odvodnju i tretman tehnoloških, sanitarno-fekalnih i oborinskih voda pogona «Raspotočje» urađen od strane «IPSA INSTITUT» d.o.o. Sarajevo, mart 2019. godine sa rokom važenja do 30.06.2026. godine i uz uslov da se aktivnosti obuhvaćene tačkom 2. dispozitiva rješenja u cjelosti poštuju.
- U periodu od predaje zahtjeva za vodnom dozvolom tj od 24.11.2023. godine a nakon zabilježenih loših proizvodnih i finansijskih rezultata tokom 2023. i početkom 2024. godine Skupština Društva je donijela Odluku broj: SD-110/2-4408/24 od 03.04.2024. godine o privremenoj obustavi rudarskih radova u pogonu «Raspotočje». Istog dana Direktor Društva donosi Odluku broj: 4485/24 o privremenom prekidu rada u pogonu «Raspotočje». Ovim odlukama privremeno su obustavljeni rudarski radovi na pogonu «Raspotočje» i time su prekinuti radovi na eksploataciji kompleksom MHP tip BW 22/41 POZ u otkopnom polju OP 5, VIII-E tektonske terase zapadnog dijela jame «Raspotočje».
- Odvodnja jamskih voda iz pogona «Raspotočje» vrši se iz dva osnovna vodosabirnika. Svi dotoci vode iznad vodosabirnika na koti K+176,90 m kao i vode iz slobodne dubine okna, prikupljaju se u ovaj vodosabirnik i iz istog se direktno putem pumpne stanice PS K+180 m otpumpavaju van jame. Ove vode se preko izvoznog okna odvođe podzemnim cjevovodom DN 200 mm kroz sjeverni dio industrijskog kruga a potom ispuštaju u rijeku Bosnu. Svi ostali dotoci vode ispod kote K+176,90 m (dotoci iz produktivnog dijela jame, pripremljenih radilišta, novih otkopnih polja i dr) se gravitaciono ili putem centrifuganih pumpi sakupljaju u glavni vodosabirnik glavne pumpne stanice (GPS) koja se nalazi uz glavni otpremni prekop (GOP) na koti K+1,6 m a odatle cjevovodom dalje kroz prekop i izvozno okno direktno izbacuju van jame u Zvečajski (Rudnički) potok koji se potom ulijeva u rijeku Bosnu. Jedan dio jamske vode se recirkuliše i koristi se u sistemu za zamuljivanje. Onečišćene oborinske vode sa radnih, skladišnih površina kao i platoa sa istočne strane južnog dijela pogona «Raspotočje» se preko slivnih rešetki prikupljaju i odvođe u putni odvodni kanal dok se onečišćene oborinske vode sa radnih površina zapadne strane južnog dijela pogona ispuštaju u Zvečajski (Rudnički) potok.
- Prema Studiji za izdavanje prethodne vodne saglasnosti za aktivnost zatvaranja pogona «Raspotočje» RMU «ZENICA» d.o.o. Zenica urađenoj od strane Rudarskog instituta d.d. Tuzla, oktobar 2024. godine i Dopunskom rudarskom projektu izvlačenja MHP tip BW 22/41 POZ sa pratećom opremom iz otkopnog polja OP-5, VIII-E tektonske terase zapadnog dijela jame «Raspotočje» vani i zatvaranja jame «Raspotočje» RMU «Zenica» d.o.o. Zenica (rudarsko-mašinski dio) urađenom od strane RMU «ZENICA» d.o.o. Zenica, august 2024. godine utvrđeno je da će se zatvaranje pogona «Raspotočje» izvršiti kroz nekoliko faza (demontaža i izvlačenje rudarsko-mašinske opreme će se podudarati sa fazama zatvaranja dijelova jame) sa definisanim mjerama zaštite. U postupku zatvaranja pogona nastajace izvjesne količine jamskih i drugih otpadnih voda koje će se morati adekvatno zbrinjavati izradom izolacionih objekata kratkih spojeva, stalnih izolacionih objekata za izolaciju otkopnih komora i stalnih izolacionih objekata u cilju izolacije dijela otkopnog polja i sl. Po završetku svih neophodnih radova na zatvaranju jame doći će do uspostave prirodnih procesa kretanja vode tako da neće biti potrebe za prepumpavanjem procjednih voda, koje su nastajale otvaranjem otkopnih polja, iz jame na površinu.



Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva - Rudnik mrkog uglja «Zenica» d.o.o. Zenica, su ovim vodnim aktom u tački 2. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je dužan ispuniti prilikom izrade projektne dokumentacije potrebne u postupku pribavljanja vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama, člana 5. i člana 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio posebne troškove shodno Zaključku ove Agencije broj: UP-1/21-1-40-566-3/24 od 09.12.2024. godine.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

#### **Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju  
Rukovodilac sektora za izdavanje  
vodnih akata



Nihad Pezo, dipl.inž.građ.

Dostaviti:

- RMU «Zenica» d.o.o. Zenica  
ul Stjepana Radića br 2, 72000 Zenica
- ⊖ AVP Sava, ISV-vodna knjiga
- Sektor 40 – arhiva
- Oglasna ploča AVP Sava